



*Selasa, 14 Februari 2023*  
**Ogen: Kuan-kuanen 17:22**



**“Keriahen Desken Tambar”**



/// Keriahen desken **tambar** si mereken **kejuah-juahen**, adi **ukur serbut** erbahanca **daging kertang tading tulan**".

Secara keseluruhan kitab kuan-kuanen enda isina kerna ajaren agama dengen ajaren kegeluhen si payo. Pengajaren seh kal perluna guna mabai kita nggeluh payo. Salah sadana e me kuan-kuanen 17:22. Lit empat hal si jadi pokok pikiran i bas paksa tenengnta enda, si pemena eme tambar; si peduaken kejuah-juahen; si peteluken ukur serbut ras si peempatkan eme daging kertang tading tulan. Lit anding-andingen ngatakan kerna "tambar ras bisa", janah duana enda ringan bas dirinta. Adina meriah ukurta maka tambar/tawar si ipedarat dagingta tapi dikune gulut ukurta maka si ipedarat dagingta eme bisa. Alu bage payo kel bagi tersurat i bas kitab kuan-kuanen si jadi ogenta wari enda.

Persoalenna maka megatin kita rukur gulut, si erbahansa latih si akap janah pinakit pe turah. Lupa kita maka tep-tep persoalen si lit, la lit gegeh dengen kengasupennta lako ndungi persoalen e. Pengendesen ras pengarapenta man Dibata si pengasup kita lako ngelewati persoalen-persoalen si turah. Perlu sigargari kai-kai saja sierbahansa meriah dengen malem ateta. Keriahen desken tambar, e me tema paksa tenengnta wari enda. Keriahen e la perlu idarami ndauh-ndauh entah pe dana si mbue guna datken keriahen e. Si ciptaken keriahen ukurta eme dirinta rikut pe ras perukurenta. Sederhana kal carana guna ndatken keriahen; kai si erbahanca kita cirem e lah lalap iinget janah si la erbahanca kita cirem, e labo man ingeten.